

天津
区县旧志点校

宁河县志 清·光绪
宝坻县志 清·康熙

天津市地方志编修委员会办公室
天津市武清区地方志编修委员会办公室
天津市静海县地方志编修委员会办公室
天津市宝坻区地方志编修委员会办公室
天津市宁河县地方志编修委员会办公室
天津市蓟县地方志编修委员会办公室

总策划：何志英 于 棣
责任编辑：王 翔 赵 荣 高 潮
封面设计：毕卫利

ISBN 978-7-80688-393-8



9 787806 883938 >

天津
区县旧志点校

图书在版编目(CIP)数据

天津区县旧志点校/天津市地方志编修委员会办公室等编著. —天津:天津社会科学院出版社,2008.6

ISBN 978-7-80688-393-8

I.天… II.天… III.①地方志—天津市—明清时代

②地方志—天津市—民国 IV. K292.1

中国版本图书馆 CIP 数据核字(2008)第 079178 号

编 著:天津市地方志编修委员会办公室
天津市武清区地方志办公室
天津市静海县地方志办公室
天津市宝坻区地方志办公室
天津市宁河县地方志办公室
天津市蓟县地方志办公室

责任编辑:王 翔 赵 荣 高 潮

地 址:天津市和平区大沽北路 138 号金融广场大厦 A 座 10 层

邮 编:300040

电话/传真:(022)23031918 23031920

出版发行:天津社会科学院出版社

出 版 人:项 新

地 址:天津市南开区迎水道 7 号

邮 编:300191

电话/传真:(022)23366354 (022)23075303

网 址:www.tssap.com

印 刷:天津市汇源印刷有限公司

开 本:889×1194 毫米 1/16

印 张:85

字 数:1308 千字

版 次:2008 年 6 月第 1 版 2008 年 6 月第 1 次印刷

印 数:1~ 1100 册

定 价:全价 600 元 单价 200 元

天津区县旧志点校 编校人员名单

总 策 划：何志英 于 棣

责任编辑：王 翔 赵 荣 高 潮

点 校：杨振关 李久云 董凤巢

王敬模 张国梅 袁守云

王 卉 徐洪志 张殿成

田 莉

宝坻县

宝坻县志

(清康熙 民国)

点校：徐洪志
张殿成

宝坻县志

清·康熙

宝坻县志序

书以志名，以记事也。志以记实，为有征也。上古采风而记之以诗，民俗土习彰彰，风化至细，而稗官野史、方物闾形无不备载群言，上达天府，以供史职博物志尔。雅卜西河郑公孙侨为志书创始，迨后应劭风俗，通司马、班史书志诸编，各相表著。杨雄，汉以博称，每出则怀铅携槧，随在摭拾，名物天下，观臣人犹遍寻方谣、里字以资淹洽。夫风土沿革，居千载下能识千载遐迹，不出户庭而天下之幽区奥陬奇文异帙，烺烺如观者，邦政载有职方，史官备详舆地，是志也。而史系之书，务博也。犹详为贵观欲详也，犹要为宜必乃有三豕度河之重，订其书以成志。志之所以为坻存也。然而德籍于坻之梁城，所世胄者。虽以乡邑之人而未尽悉坻事，故老之凋谢也，风土之易昔也，民物之迥异而观不齐也，未尝不倦倦识之，缕缕寻之。如一邑之大纲，疆土为重，而生齿次之，人物风俗文献又次之。有土地则必有赋役，所以供输朝廷者，任土作贡，唐虞已然。如宅壤莫辨，千里可同课税欤？有生齿则必有户口，所以充实封域也。比屋连邑兴怀庶矣，如富教未臻，徒言干止何为耶？此志之所以为坻存而坻之不能尽存夫志者，有数数焉。赋役名矣，其昔有之，原额与今减之名数不无丰啬，观则轻任，并而重任，分者均输，维何户口名矣。其摩肩之侪，伍与朗列之晨星，不无轩轻。视况列户而居者，更多分役，而名名之坻者，可坻注乎？其一道同风者，又维何至剥船一役，近加于坻，坻滨海，海有河，河在坻东界，逶迤曲堧几远二百里，生民全徯于此。地卑洼，民多眚痲，即岁丰仅完正赋。今役剥船于县治，西将百里许之潞河，下民赴于剥，适三百里远也，地远于漕船，派于坻，苦累不胜，具述况。终明之世，未尝有此役名，言志至此，敢不备载始末以悉民隐？此志之所以贵详也。尤志之，所以纪实也。今皇上以阁臣为天下一统志，请而命各郡县修志，以汇成大典，遯求厥宁也，遯观厥成也！天下事任之天下，一乡事任之治乡，与一乡之人，容民容，众贤恺悌事也。维风砥俗，士大夫事也。敦伦向义，民庶事也。不彰以衡，孰范于趋？不模于前，孰观于后？为范为观，孰有本土之人为甚。习本乡之事，为甚切者。德坻人也。言坻之事，敢涉于虚书不尽言？言不尽，意抑亦不敢过于戇。特举数事，而详言之，为关桑梓重事也。诸如沿革、风景、形胜、建置、人物、土产，不无昔有今无，今增昔乏者，殆亦因时损益，约略大义云尔。遵王之道，千古志之。先期于乡邑贤俊及儒学邑宰察采，故实德于公余，聊酌所见，为一代大典，昭如日星，为一时人心存真闻见。唐李吉甫汇元和郡国志，别具远识，谓为政者执此，可以治天下。岂志乘一书能尽经济之大？凡不过曰：郡国疆域在斯也，孰裒益是民社本末如斯也，孰调剂是以一邑而概一方，以一方而概天下也。治理孰先后，是易云振民育德。又记云：礼义为器，人情为田，千古同民之治，不外崇其本事，端以故闻，使民行习无教已尔。虽志书一端，大道不尽于此也？然民风土俗，远察近观，而治志之道未始不先于此。今志之所以为坻存也，有不能不详且实者，盖如此夫。太子太傅、保和殿大学士兼礼部尚书、加一级，前吏、户、刑三部尚书，吏、兵工三部左侍郎管右侍郎事，吏户两科都给事中、浙江典试、甲辰丁未癸丑三科文武会试总裁、戊戌辛丑甲辰庚戌

延试读卷官监修、玉牒纂修、实录总裁、渠梁进士、邑人杜立德撰。

宝坻县志序

纪天下之事者存乎史，纪一邑之事者存乎志。志固博通乎史，而详史之所略者也。曷言之？史告一代之成，或数字寓褒讥。一言代赏罚，昭示来兹者，不惟其文惟其意。董狐之笔尚矣，次而若司马、若班、若场、若朱，皆广洽淹贯于参伍错综之中，提纲揭目，使百年如一日。异世若同堂，故声施卓越夫奕禩。志为记事之事，即一方之史也。凡山川、形胜、閭井、租庸、风俗、文献以及世运之升沉，民生之休咎，教化之醇漓，均于志乎是赖。使徒盗名而失实、袭妄而遗真、存疑而寡信，则地何藉乎？以志传志，亦何足以为地传哉！坻邑引漕河、滨大海，如带如砺，为股肱邑，且幅员三百里许，生齿颇繁，奈俗朴而劲，土涯洼而磽，故财赋无几，而名公巨卿、忠孝节义未易更。仆数采十五国之风，坻亦称中土名区矣。况我兴朝定鼎以来，肇造显庸，生聚休息，历三十载于兹，其间之随时立法，因地制宜，可不条分缕晰，以志大一统之盛哉！粤稽坻邑，旧志修于明之嘉靖时，酌古准今，拾遗补阙，蔚乎可观。迄于今，胜国之河山如也！试问昔所称我疆我理者，保无鞠为茂草乎？昔所称烟火如云者，保无晨星寥落乎？昔所称衣冠文物者，保无枝叶称凌夷衰微乎？北燕南越，轨不同途；鹄皓鸦青，色难埒等。使胶柱鼓瑟，按图索骥，或骛乎名，或流乎妄，或涉乎疑，以为山川形胜，于是乎传也；閭井租庸，于是乎传也；风俗文献于是乎传也。且世运之升沉，民生之休咎，教化之醇漓，无不于是乎传也。倘所谓志是耶？非耶？壬子春初，象司牧兹土，谱往牒抚。时事苍狗白衣，变深桑海。修志之举，其胡能已？但薛子狐裘，功非两腋。每怀靡及，亦既重愧于厥心。未几，而即有各修郡县志之命。而内阁杜大学士，坻世胄也，复属苑学师与。象董其事，顾志岂易言者哉！莫为之前，虽美不传；莫为之后，虽盛弗彰。志之为志，宁仅踵事增华云尔乎！如则壤成赋矣，其间盈缩增减之不同，不可不核其实者也。计口编氓矣，其间凋残昌炽之或异，不可不存其真者也。不宁惟是质文异尚，彼美云遐，先后盛衰感慨系之。若轶事孤贞、遗踪胜地，著之咏歌，深人凭吊者，罔不搜罗采辑，第恐失于稗官野史之诞，砭跌鱼目之淆，以启诡异之端，是皆不可不传其信者也。志岂易言者哉！昔司马太史，足迹满天下，故议论足以惊当世，此无他，闻见亲也！苏秦张仪，佣书而偶食于路途，遇有坟典，辄以墨书掌及股，夜还，而写之以成天下良书，学识博也！维时学师集，诸儒生远追近述，学识綦博矣。且生斯长斯，闻见綦亲矣，相与折衷于今昔之间，斟酌于是非之际，务核其实而不徒惊乎！名存其真而不容流乎！妄传其信而不使涉乎！疑如是者，两越月而编成。庶几哉山川形胜于是乎传矣，閭井租庸于是乎传矣，风俗文献于是乎传矣。且世运之升沉、民生之休咎、教化之醇漓、无不于是传矣。所谓地以志传，而志又以人传者，其在斯乎！虽然文黛多残，必借玉于修月时宜，或漏需分石以补天，求其裁成删定，信一时而传百世者，微太学士其谁与归！知宝坻县事三韩牛一像撰。

目 录

卷之一

輿图志	1
沿革	1
星野	1
疆域	2
山川(堤堰)	2
形胜	2
景致	2
风俗	3
市集	3
所镇	3
乡村	4
古迹	4
丘墓	5

卷之二

建置志	6
城池	6
县治(学宫)	6
坊表	7
里甲	8
桥渡	9
邮铺	9
仓庚	9
祠祭	9
漕渠	10

卷之三

赋役志	11
户口	11
田赋(官田)	12
力役	14

剥船	15
盐课	16
物产	16
卷之四	
秩官志	18
官制	18
官籍	18
武备	26
名宦	27
卷之五	
人物志	30
甲科	30
乡科	31
征辟	33
旗下邑绅	33
岁拔选贡并志	33
恩荫	38
准贡	38
功贡	38
例贡	38
监贡	41
武甲科	41
武乡科	41
武额	42
椽格	42
勋封	43
乡贤	44
孝义	46
贞烈	47
卷之六	
丛纪志	49
寺观	49
倦释	50

技艺 50

帑银 51

义冢 51

卷之七

艺文志 52

卷之一

輿图志

郡县之设,自秦已然,其县之在远者,各有所属:曰郡、曰道、曰路、曰省。称名代有不同,而近者则胥属于京都,京犹古王畿千里之内也。宝坻在国朝仍属顺天直隶地,所谓畿内邑也。东濒沧海,广袤二百余里,视他邑为巨。虽沿革不一,尚得述所由来。若乃星野以应天象,疆域以尽地里,风俗以记人事,以致经纬见于山川,规模昭于形胜,秀丽显于景致,莫居通功本于乡村市集,皆考輿图者所必稽也。相应类列以备披阅,他如古迹半湮、丘垄仍在,黍离荆棘皆足深,人寤叹又安忍其遗而不传也?故并列之,作輿图志。

沿革

考宝坻封域所在,实属于燕。周封召公于燕,在禹贡冀州之域。又,舜分冀州为幽州者,而周亦曰幽州。秦易封建为郡县,以幽州之地为渔阳,与古异矣。而宝坻为属如故。至汉名为泉州,是时高帝封卢绾于蓟。蓟在周为尧之后所封国,即秦渔阳也。绾亡,仍改为渔阳,领县十二。宝坻即渔阳属县之泉州者是。东汉仍属渔阳,北朝无魏道武时则属燕郡,隋并之涿州,唐开无间属范阳,而五代、唐因之,遂置盐仓矣。石晋以赂契丹,又置新仓镇,隶香河县。至金大定十一年,世宗东幸,见居民繁庶,始立为县,命名宝坻。宝坻之名实始于金,故俗云金宝坻。分香河以东隶焉。迄永安三年,置为盈州。太和四年,废州复县,仍曰宝坻。隶大兴府。明洪武元年,改大兴为北平,寻又改北平为顺天府,仍以宝坻隶顺天。国朝定鼎京师,宝坻实为左辅,其隶如故。地产鱼盐芦苇,故曰宝。又水中高地曰坻,郡名渠阳,以魏武通渠为漕在其北也。

星野

宝坻燕地,在禹贡冀州之域,箕尾之分,析木之次,为燕冀分野。

疆 域

东至玉田县新河口五十里,西至京都一百六十里,至香河县界王家庄三十里,南至天津卫一百六十里,北至蓟州界三岔口十五里,东南至海口二百里,西南至武清县九十里,东北至遵化县十八里,西北至三河县七十里。

山 川

宝坻境内无山,说者谓“北有崆峒,宝坻依焉。”盖宝坻旧属渔阳,蓟州山即其山也。

潮河:在宝坻东。一名白龙港发源自梨河、沟河、鲍丘河至坻境三岔口会流,为潮河。又东南一枝至丰台,再会漕水,名怀襄河。共南流过梁城所芦台,抵北塘口入海。渠河:一名渠水。自香河县蒲石河东注,经流城池,由开源水关入城,经武曲桥直注文昌阁下,过文明桥,西抵文庙之泮池。复自阶升桥南流,由通津桥出节流水关,蜿蜒百里至入门城,会潮河入海。柳沽河:在县东南八十里。八门城河:在县东南七十里。系潮河支流,潮水逆注灌溉七十二沽,居民利之。丰台河:在县东南九十里半,汇漕水注潮河,过梁城所,抵北塘口入海。七里庄河:在县西二十里。七里海:在县东南一百三十里。赵淀:在县东北五里。寻思淀:在县东南四十里。苜蓿淀:在县西十五里。破淀:在县东五里。东油香淀:在县南八十里。草头沽淀:在县南二百五十里。神堂儿淀:在县南二百五十里。小淀:在县东南七十里。月河淀:在县东南九十里。塌河淀:在县东南一一三十里。地扒拉淀:在县东北七里。商王淀:在县西三十里。苏子淀:在县西十八里。南青沟北青沟:俱在县东南四十里。七十二沽:俱在县东南。龙潭二:一在县东五里。一在县东十里。潮河堤:堤以障水,古法也,堤不障水,翳谁之咎?古人云:微禹,吾其鱼乎?是水足为患。所以御水患者,则惟人力是恃。宝坻工之有潮河堤也,匪一日矣。考其形势,自县西北金陵口抵县东南江湟口,二百余里。久为宝坻障蔽。岁时修筑,虽洪涛淹至,以堤完可恃,而河伯远去矣。是以岁岁登稔,民受其利。自坻民失业以来,心力殫尽。每大水时,至交相推委。虽秋禾将成,犹尝饱鱼鳖之腹,良可叹也。则增埤抵隙,顾不急急欤?但坻民岁有大役,如剥船浅夫等件,民已新丝新谷致痛矣。而又卸石填海,何以四应?为此之计,惟当急请帑金,备陈利害。朝廷怜其疾苦,而軫济之,庶得稍存万一也。不然,任其冲毁,付之无可夺何而不之救,势必旧基平没,而东南尽水国汪洋矣。其患可胜叹哉!

形 胜

西拱京师,东连大海,南通天津,北抵云蓟,三山拥峙,四水萦回。

景 致

海天东胜 抵东有大海,寰輿可通,吞吐百谷,瞬息万状,为境内大观。

秦城烟柳 在县南十里。一云唐太宗东征筑城于此,屯粮其秦城。云者以唐太宗初为秦王也。一云金章宗所筑。

东寺晓钟 在县内大觉寺。相传自东海浮来,其声清异,款识亦与他钟异。

北潭秋月 在县东三十里。北通蓟漕南入于海。每秋水澄澈,浮光射目。

长河潮汐 即潮河也。出海北上,逶迤数百里。早潮晚汐,为景之大者。

朝霞晚照 在县西五里。有朝霞寺,当夕阳落照时,霞光遥映,寺中变现不常。

芦台玉砂 在县东南一百四十里。芦台镇近海,广漠斥卤。昔煎土成盐,今晒海水成盐,白如玉屑。

文灿灵碑 即广济寺碑。建自辽重熙五年,石光晶莹,勒文淹雅。

旧志原载八景东寺晓钟、北潭秋月、夏雾银鲜、晴楼碧障、石幢金顶、芦台玉砂、秦城烟树、拱都池莲。今易其四,以时有变迁故也。其详载在杜大学士《八景诗》序。见《艺文志》。

风 俗

多文雅士:见隋志。人多技艺:见地志。沉鸷多材力,重许可:见唐杜牧集。多感慨悲歌之士:见唐韩愈文。自古号多豪杰:见宋苏轼集。人性宽舒:见舆地志。劲勇而沉静:见苏轼论。风俗朴茂:见宋范镇幽都赋。宝坻固燕地也,考昔人之称燕者不一说,而坻为其属,大要不离,所称者近是。以故乡多产瑰异,而名公巨卿亦往往而见采问风俗者,所必及焉。但地接京辅,有彼都人士之风,文久而靡,或有之矣。而时又渐于凌兢,所由殆与古异也。然俗以人易,起衰救敝,主持风教,必有高明卓识者出其间。崇谦秉素,其在斯与! 其在斯与!

市 集

东新街 每旬一日。

南北街 每旬三日。

东西街 每旬五日。

仁贤街 每旬七日。

东门街 每旬九日。

林亭口 皇庄 入门城 上王各庄 大口屯 黑狼口 新开口 新集庄 潘庄 新安镇 芦台。

所 镇

梁城所 设有守御千总衙门。

芦台镇 设有巡检司衙门。

北塘口 设有防海千总衙门。

乡村

白龙港 北潭庄 青口庄 扒头港 赵家铺 丈方鄣 船儿窝 王各庄 林亭口 车辕洲 圈网口 白寺窝 葫芦窝 鲁沽庄 盘里庄 窝背厂 南涧庄 芝麻窝 新庄儿 邢家沱 海南庄 丰财沽 新河庄 于家庄 帮道沽 蛤窝庄 齐各庄 王补庄 新马头 唐家庄 洛河汀 高八庄 司马庄 九王庄 火各庄 帮上庄 杨家庄 芮新庄 夏雾庄 宁城庄 黑狼口 东排庄 西排庄 长排庄 老鸦口 西河头 南排庄 北排庄 高家口 新务屯 大套庄 花尖庄 胡家庄 葫芦里 石桥庄 十字港 李家庄 马家庄 兰各庄 郝家庄 光梨木 双王寺 田家庄 南官庄 十字沽 绣针口 枯河里 烧脚庄 苑弘桥 六家口 八户庄 彪陷店 崔家庄 朱家铺 新开口 师傅营 千佛顶 韩河庄 六户庄 洛水沱 郭杨庄 请公台 圈子里 彩家铺 种田营 帮头庄 口家哨 寒家口 张家疃 薄店庄 黄家集 罗家务 朝霞庄 东在庄 西在庄 艾家庄 王甫营 侯家营 回回鼻 谈家府 樵山寺 罗村庄 苑各庄 鱼桥庄 三岔口 牛刀口 大新庄 卢家庄 桥头庄 郭家庄 傅各庄 齐河务 杨善庄 深子庄 沟头庄 贾家庄 李家庄 马各庄 江湟口 常源庄

古迹

义井 在县治前,今废。

梁城 即今梁城所在。县东一百四十里。梁刘仁恭为镇时所筑,明置梁城守御千户所,国朝因之改置千总。

军梁城 在县南二百里。五代时刘仁所筑。

秦城 在县南十里。内有金大定十年重建舍利小刹。《砖塔志》云:前大安所建。

芦台军 在县东南一百二十里。后唐同光中,刘守光、刘守文相拒所置。天祐十年,晋王拔之,有台一座,俗名将台。

淤泥河 在县西北二十五里,唐将罗士信征辽高开道,失陷于此。

粮河 在县南五里,古海运故道也。元世祖以越海不便塞之。今河形尚存。

旧县治 在县东门内大觉寺处。金大定十二年王昶创后,迁今所。

盐使司 乃后唐榷盐院也。故址即今儒学。

透灵碑 在广济寺。辽重熙五年立。

歇马台 在县南五里。传云金章宗驻马处。

红心堤 在县东南二百里。秦始皇所筑望海处,长百余里。虽海水盛潮不没,亦奇观也。

朝霞寺 旧有朝霞晚照之景,今废。县西朝霞寺非其故址也。

马跑泉 在北塘口海堤北。有泉泓然如马跑状。

土民曰:唐王出兵至此,人马皆渴,众水碱卤不可食,马跑地得泉,甘美异于他水,泉虽一勺,